

## Zijad Jagodić

1. Pitanja postavljena Vijeću ministara BiH i Ministarstvu vanjske trgovine i ekonomskih odnosa BiH:
  1. „Imajući u vidu postupak, kao značajan spor, koji se vodi protiv BiH pod oznakom „Slučaj“ ECS-2/13, a zbog neusklađenosti s Direktivom 1999/32 EC koja se odnosi na sadržaj sumpora u određenim tečnim gorivima, kao i na izmjene i dopune Direktive 93/12 EEC – Šta se u tom pogledu radi i da li se može očekivati njegovo rješenje u naredna dva mjeseca kada se namjerava raspraviti o ovom sporu na nivou Energetske zajednice EU?“
  2. BiH još uvijek može da se kvalificira za EU IPARD nepovratna sredstva za period 2014. – 2020. pa bih molio za odgovor – Ko je bio dužan da uradi taj dio posla na uspostavljanju IPARD struktura i na uspostavljanju ministarstva, zašto nije i šta se u tom pogledu radi, odnosno namjerava uraditi?
2. Pitanje postavljeno Vijeću ministara BiH i Federalnoj upravi za inspekcijske poslove i Inspektorat Republike Srpske - Da li su međunarodne organizacije i strana diplomatsko-konzularna predstavništva stacionirana u BiH dužna zaključiti ugovore o djelu ili ugovore o radu, kada su u pitanju njihovi zaposlenici bh. državljani? Da li su nadležne bh. institucije i u tom pogledu vršile bilo kakve kontrole i provjere, šta su uočile i šta su preduzele?
3. Pitanje postavljeno Ministarstvu pravde BiH – „Imajući u vidu preporuke Ureda za reviziju institucija BiH za 2013. godinu ovom ministarstvu, šta je od tada do danas učinjeno, odnosno šta je otklonjeno u tom pogledu?“
4. Pitanje postavljeno Vijeću ministara BiH, Vladi Federacije BiH, Vladi Republike Srpske i Vladi Brčko Distrikta BiH – „Imajući u vidu Direktivu 2009/119/EC Vijeća Evrope, kojom se definira/propisuje osiguranje minimalnih zaliha nafte i naftnih derivata, kakvo je stanje u području pojedinačne nadležnosti i šta se u tom pogledu radi?“
5. Pitanje postavljeno Upravi za indirektno oporezivanje BiH – „Da li je osigurano kontinuirano približavanje zakonodavstva u oblasti carina i poreza acquisu, te da li su dovoljni administrativni kapaciteti UIO kako bi se to zakonodavstvo provodilo, te borilo protiv korupcije, prekograničnog kriminala i fiskalnih utaja?“
6. Pitanje postavljeno Ministarstvu komunikacija i prometa BiH i BH Airlinesu – „Koliko je koštala nabavka bh.aviona/letjelice ATR-72-212 koji se nalazi u firmi BH Airlines, koliko je još ostalo anuiteta za njegovu otplatu po finansijskom lizingu na dan 24.7.2014. i kakav je njegov današnji efekat?“
7. Pitanje postavljeno Vijeću ministara BiH – „Budući da je nacionalni akcioni plan za energetska efikasnost BiH napravljen, zašto se čeka s njegovim usvajanjem?“
8. Pitanje postavljeno Ministarstvu zdravlja i socijalne zaštite Republike Srpske, Federalnom ministarstvu zdravlja, kantonalnim ministarstvima zdravlja – „Da li je to (...) zaista radi deficita kadrova ili je to moć pojedinaca pri čemu se ne osvrću na Zakon o sukobu interesa?  
Da li se namjerava ta praksa zaustaviti i šta se u tom pogledu namjerava učiniti?“